

სასაღსო ვაჭაქი

საქართველოს
საბიბლიოთეკო
სამსახური

საქართველოს დამატება

გაზეთის № 388.

კვირა, 28 აგვისტო 1911 წ.

დამატების № 68



ჯიოკონდა—სურ. ლეონარდო დე-ვინჩისა, რომელიც პარიზში
ლუვრის მუზეუმიდან დაიკარგა. (იხილეთ მეოთხე გვერდი).

თ რ ი პ ა ლ ა

(შემდეგი *)

— ბეკო! ბეკო! ბატონო, შენი ქირიზე!
ბეკო შეჩერდა.
— ჯვებზე? ა? ჯვებზე?
— ბეკო, ბატონო, ბეკო, შენი ქირიზე!
— რა გინდოდა ასე გვიან? სად იყავი, ჯვებზე?
მიუახლოვდა. საშინელმა აზრმა გაუბრუნა.
— ა? სად იყავი.. ხო ჯვებზე!!
— მშია!

— მოდი, მოდი, საცოდავო ჯვებზე! მოდი პური ვჭა-
მთო!—ბეკო გაემართება წისქვილის კარებისკენ, სანამდის
გააღებს კარს, რამდენჯერმე შეხედავს ჯვებებს. ცოტა ნო-
შორებით სდგას ჯვებზე უსიტყვოდ, უძრავად.

— ჯვებზე!—შეჰყვირებს ათრთოლებული ბეკო.—რად
გაჩუმებულხარ? სთქვი რამე! ხმა შეთქი! ხმა ამოიღე!

— ბეკო, ბეკო! ბატონო, შენი ქირიზე!

— წმინდაო ღმერთო, წმინდაო ძლიერო, წმინდაო
უკვდაო, შეგვიწყალენ ჩვენ!

სამჯერ გადაიწერს პირჯვარს ბეკო და შევა წისქვილ-
ში. სანამდის იგი კრაქს აანთებს, ჯვებზე მობრუნდება და
ჩქარის ნაბიჯით წავა თავის ქოხისკენ.

— ჯვებზე, შემოდი და კარი დაკლიტე! რად გაჩერე-
ბულხარ გარედ?

მაგრამ ჯვებზე წასულია.

— ა? ჯვებზე, რა დაგეშართა, შე ცოდვის შეილო?
შემოდი...

გამოიხედავს კარში. ჯვებებს ვერ დაინახავს. გულმოსუ-
ლი გამოვა გარედ და დაუძახებს:

— ჯვებზე! ჰაუ!

პასუხს არაფერს გასცემს. ბეკოს შიში აიტანს. უცბად
შებრუნდება წისქვილში და მაგრად ჩაიკეტავს კარებს. ჩამოი-
ხსნის გულზე ზონარით დაკიდებულს წმ. ნაწილს, კედელზე
ჩამოჰკიდებს, სამთელს აუნთებს, მის წინ დაეცემა მუხლებზე
და ლოცვას იწყებს.

როცა დამშვიდდება, საჩქაროდ გაიხდის ტანთ და და-
წევბა. კრაქს გააქრობს; როგორც კი ბალიშზე თავს მის-
დებს ტყეში მოჩვენებული ლანდი მოაგონდება.

ცდილობს მოიშოროს, ლოცვას იტყვის, მაგრამ ლან-
დზე ფიქრი მაინც არ შორდება.

„მოვიდა დილით ადრე შავსახიანი, გამხდარი, თვალე-
ჩაცვივნილი. კანკალებს, მორიდებით ბეკოს წინ მუხლზე
დაეშვება. ეტყვის ჩამწყდარი ხმით, შესაბრალისად:—მაკ-
მარე! მაპატიე!“

ბეკო თავს ასწევს, სამთელს დაუწყებს ყურებას.

„სოფელი თავს მოიყრის წისქვილის წინ უცდიან ბე-
კოს სიტყვას, სულგრძელობის გამოჩენას. ბეკო მედიდურად
გამოიყურება,—მასზეა დამოკიდებული ხსნა-პატიება, „ბე-
კო, მიხსენი ნუ მისცემ ჩემს თავს ცეცხლს!“—ბეკო თავს
მალლა ასწევს:—არ მომეკარო! შორს!—ხალხი ამის გაგო-
ნებაზე შეძრწუნდება. დამნაშავე პირქვე დაეცემა. ბეკო
ცეცხლს აფრქვევს თვალებიდან.

— არ მომეკარო! შორს! შორს!“

არ ეძინება ბეკოს. სიჩუმეა. ხოლო ერთნაირად გაის-
მის წისქვილის ღარში წყლის ჩქამი. ბეკო დახუკავს თვა-
ლებს. თავს საბანში ჩაიმაღავს. ბნელა.

— ას ორმოცდაათი ლურსმანი! მაქმარე ბეკო!

— ა? არ მომეკარო! შორს!—უცებ გადაიძრობს საბანს.
თვალეებს გაახელს.

შავი, მაღალი, გრძელ ხელებიანი სდგას მის წინ.

— შორს! წმიდაო სამეზაო!... შორს!.. სახელითა
მამისათა, და ძისათა... ასე! გაჰქრი! განა შენ იცოდი შებ-
რალება? ანგელოზი ბავშვი შენ არ მოჰკალი? ჰა! არ იქნე-
ბა! ტყველა მიფრთხობ ძილს!!

ომობს ბეკო. იბრძვის საცოდავი, მაგრამ ვერას ახერ-
ხებს, ადგება, ლოცვას მიჰმართავს. გულზე ხელებს იცემს,
თავს მიწაზე არტყამს.

ბოლოს დაიღლება. დასუსტება. სადაც მუხლმოყრილი
იღვა წმ. ნაწილის წინ იქ დაეცემა. ძალი მოეკიდება... ლო-
ცვის სიტყვები პირზე შერჩება...

**

დილის ადრე დგება ბეკო, ჩვეულებრივზე უფრო ად-
რე. მას დატანჯული, უძილობით დათენთილი სახე აქვს.
სწრაფლად გადის წისქვილიდან, რომ ცივი წყალი შეისხას
სახეზე. გამოვა გარედ თუ არა, ღარის თავზე დაინახავს
ჯვებებს.

— ჰეი!—დაუძახებს.

ჯვებზე თავს ასწევს და შეჰხედავს.

— ჯვებზე, შენ? სად იყავი, საბრალო? ასე ადრე რამ
აგაყენა?

— ხის ტოტზე ვიჯექ! ტყეში ვიყავი. ვნახე ღორი.
მიწას სთხრიდა, ფოლადის ნიჩავი ჰქონდა. ბევრი მიწა მოს-
თხარა. ნახა რალაცა და შესჰამა, ქვების კუჭი ჰქონდა, და
მასში ვერცხლის წყალი სდუღდა!

— მერე? საწყალო ჯვებზე! ხომ არა გტკივა რა?

— კი! მტკივა, ტვინი მტკივა!—უპასუხებს და ნიკა-
პით მუხლზე დაეყრდნობა.

ბეკო ერთს ხანს შეჰყურებს მას.

— ნუ გეშინია, ჩემო ჯვებზე! მე მოგარჩენ! შეგავედ-
რებ წმ. გიორგის! შენ ოლონდ დამიჯერე მე! სული გრძე-
ლია, ღმერთი გაპატიებს!!

და ამ სიტყვებით ბეკო მივა წყალოთან, ხელ-პირს დაი-
ბანს. ჯვებზე ჩაჩუმდება. ხელ პირის დაბანვის შემდეგ ბეკო
შეჩერდება თავის მიწოდებულ, მოიხდის ქუდს და შეუდგება
ლოცვას. ბეკო ხმა მალლა ლოცულობს. ჯვებებს ესმის ბე-
კოს სიტყვები და მუხლს იკბენს.

ლოცვის შემდეგ ბეკო წყევავზე გადადის: დღეს იგი
უფრო თამამია, გამხედავი. ქვეა ქუბილი ამოსდ ს პირიდან.
შესთხოვს ბეკო წმ. გიორგს დაუჩქაროს და ლახვარი დას-
ცეს მის მტერს,—რალა ახლო-მახლო დაჰყავს ნადირი?

— ბეკო!—შესძახებს მას ჯვებზე და ზე წამოდგება. ბე-
კო მას არ უსმენს და განაგრძობს წყევას.

— ბეკო!—ყვირის ახლა ჯვებზე.—ნუ! შესწყვიტე!!

— აჰა! ყოველს სულდგმულში გამოიწვიოს მან შებრა-
ლება, მხოლოდ წმ. გიორგში კი არა!!—ლაღადებს ბეკო.
მაშინ მოწყდება უცბად თავის ადგილს ჯვებზე და ბეკოს
ეცემა.

ათრთოლებული, სახეზე სისხლ მოწოლილი ჯვებმ
შეკუშმნის ბეკოს და განზე გადაისვრის.

*) იხ. სურათებიანი დამატება № 67.



† გლეხი ნიკო ფარნიაშვილი
რომელიც 1911 წ. 4 მარტიდან მოწყვეტილი.
(იხ. დღევანდელი გაზეთი).

— ააჰ, აჰ! — შეჭკვილებს იგი!

ბეკო გაოცებული წამოვარდება, დაშინებული უკანასკნელს ღონის მოიკრებს და მიჰმართავს ჯვებებს.

— დასჯილო და ცის რისხვა დაცემულო! როგორა ბედავ შენ წმ. გიორგის მსახურს შეახო ხელი? როგორა ჰბედავ აღმალლო ხმა იქ, სადაც წმ. გიორგის გულზე მატარებელი ცათა მხედართა ბატონს შესთხოვს მოწყალებას! როგორ წაპილწე შენ ეს წმ. ადგილი, სადაც ას ორმოცდაათი ფიცი შემიკრავს!.. დაეცი პირქვე, შეჩვენებულო! შემავედრე თავი, რათა რისხვა ჩემი თავზე არ დაგატყდეს!!

თვლებში ჩასჩერებია ბეკო ჯვებებს, ჯვებზე ვერ უძლებს მის თვალთახედვას; ბეკოს სიტყვები უროსავით სცემენ მას.

— პირქვე დაეცი, ცოდვილო რომ ცამ არ იქუხოს!! პირქვე დაეცი, გიბრძანებ შენ!!

როგორც ზურგში დაწყვეტილი გველი, მოიგრიხა, გაიკლაკნა ჯვებზე, დაემხო ბეკოს წინ პირქვე.

— ჰო, შე უბედურო! რად შესცოდე კვალად ზეცას!? წმინდა სამების სახელით გიბრძანებ დამემორჩილო ამიერიდან და ჩემს ნებას არ გადაუხვიო! — თავზე ადგას ბეკო ჯვებებს და ზედ დიჰყვირის. ჯვებზე კანკალებს, ცახცახებს, ქსინავს!

— ჩემთან უნდა დარჩე შენ, რათა მოგაცილო მამა-პაპეული ცოდვა! ახლა კი აღეჭი და მომყევი მე! — უბრძანებს ბეკო.

ჯვებზე მოჩჩილათ ადგება და მიჰყვება.

ბეკო შედის წისქვილში დააჩოქებს ნება წართმეულს ჯვებებს და ამნაირად გაძოლულოცავს:

— ყოვლად წმ. სამებაო, გადმოჰხედე ღმობიერის თვალებით ამ ობოლს, აკმარე წვალება, სასჯელი! გაანთავისუფლე იგი საშინელი ბორკილიდან! გამოიჩინე შენი მოწყალება და შეჰპატე მას შენი მადლი! ჩაჰბერე უკვდავების სული შენი და განაცოცხლე მასში შენი გონიერება, შენი სულიერება! მოიმოქმედე სასწაული, რათა გიწამოს რაც დღემინაზე ხალხია!!

ასე ლოცავდა ჯვებებს ბეკო. იგი თან-და-თან რბილდებოდა, აღერსით გამოსთქვამდა სიტყვას, რათა შეესუსტებინა თავისი წყრომა, და ჯვებზე დაეწყნარებინა.

— ახლა შენც, საბრალო ჯვებე! შენც შეავედრე თავი უფალს!!

მაგრამ ჯვებზე მალღიღინ, გადმოსროლილი ხის ჯიკვივით დაეცა ბეკოს წინ. მას თვალები გასწითლებოდა, სახე დასკარხლებოდა! პირზე ღორბლი მოსდგომოდა. ბეკო არ დაიბნა, სწრაფლად მოიხელა ღოქი და წყალი გადააკურა ჯვებებს.

— რად არ შეიყრის უფალო ამას ჩემს დამქცეველს? რალა ამხე მოიცალა?

ხელი მოჰკიდა ჯვებებს, ლოგინზე გადაიყვანა. გაუხსნა გულმკერდი პირში წყალი ჩააწვეთა. დიდხანს იყო ჯვებზე უგრძობლად. იგი დაკლული პირუტყვივით ფეხებს და ხელებს იქნევდა. ბეკომ საბანი გადაახურა. თავქვეშ ბალიში ამოუღდა.

— ნუ გეშინია, ჩემო ჯვებე!.. დაწყნარდი! უფალო და ღმერთო ჩემო, მაჩუქე ამ უბედურის თავა! ნუ გასწირავ მას!!

ჯვებზე კიდევ კანკალებს. ბეკო ზეპირად უკითხავს რამდენიმე ლოცვას. პირჯვარს გადასწერს!!

ბეკოს ლოცვის კითხვაში ჯვებზე ათიქო დამშვიდდა, და ბოლოს ღრმა ძილში ჩავარდა.

ბეკო გამოვიდა გარედ, დაასრულა შეწყვეტილი წყევა და ისევ შებრუნდა წისქვილში. მიაღაგ-მოაღაგა ლოგინთან. მილაგების დროს დაინახა მიწის იატაკზე ხის კოლოფი ჯვებებს მოჰხსნოდა და ძირს დავარდნილიყო. ბეკომ აიღო იგი ხელში და შიგ ჩაჰხედა: კოლოფი საესე იყო ენგინი ლურსმნებით.

— გაუკვირდა ეს ბეკოს.

— რად უნდა საცოდავ? — სთქვა და თავქვეშ ამოუღდა ჯვებებს. — რას ნიშნავს ღვთის ძალა??

ამოხვრით ჩაილაპარაკა მან და ჩამოჯდა იქვე ჯვებებს გვერდით.

**

თავის ქოხის წინ მინდორზე პირაღმა წევს ჯვებზე. თვალები დახუჭული აქვს. ის ფიქრობს კუშინდელს დღეზე ბეკოს მოგონებაზე სახე უთრთის, პირი ემუწევა.

— რა უნდა? რა უნდა? რად იწყევლება აქდენს?

გვერდზე გადაბრუნდება, ხელს შემუქავს და მიწაზე დაარტყამს.

— ჰო, რად იწყევლება? — ვერ შერიგებია ბეკოს მუდმივს წყევას! ჯვებებს მოსვენებას არ აძლევს ბეკო. შორს



არმაზის ღვთის მშობლის ეკლესია ნანგრევებით და ზირიან ბერი.

რომ არის, მაშინაც კი ესმის ბეკოს საშინელი სიტყვები, ყურში ჩასწივის.

ხშირად თვალწინ უდგება მას ბეკო ხელებ-აპყრობილი, სასტიკი, უღმობელი. თვალებზე ხელებს მიიფარებს, მაგრამ... ბეკოს სახეზე მაინც არ ეთხოვება მას—ჯვებზე გრძობს ბეკოს ახლოობას.

— ჰა! რა გინდა?

სწრაფლად ადგება, შედის ქოხში და კარებს მოახურავს.

— ხომ მოგიშორებ?—ქოხის ბნელს კუთხეში მიიმალეობა. დაშინებული იყურება. ერთს ხანს არ ჩაესმება ყურში ბეკოს სიტყვები, მაგრამ ცოტა ხანი გასტანს ჯვებებს სიმშვიდე მოესმება:

— ჯვებე! უნდა დამემორჩილო!

ტყვია ნაკრავი მხცავით წამოვარდება ჯვებზე. უნდა შეუტეოს, ხელი სტაცოს, სწვდეს ყელში და მოარჩოს.

— საბრალო ჯვებე, ნუ გეშინია! წმ. გიორგი მაჩუქებს მე შენს თავს!!

თმა ყალბზე უდგება ჯვებებს.

— დამეთხოვე, ბეკო! წადი აქედან! აიბარგე!

— როგორ გაბედე შენ, შეჩვენებულა, ღვთის მიერ გარისხულო, ჩემი ხელის შეხება?

აენტება ჯვებზე.

— ჩაკმინდე ენა!—ჩაკმინდე ენა!!

— მუხლი მოიყარე, ცოდვის შვილო! — ბეკოს თვალები სჭრიან ჯვებებს, შუა აპობენ, სერავენ!!

— ბატონო ბეკო! შენი ჭირიმე ბატონო!

— ასი მიტანია დილას, ორასი საღამოს!!

— ჰა, ბეკო! ვსტირი, ვსტირი მე!

— მაგრე! იტირე, იტირე! იქნებ ცრემლმა მოგბანოს მამაპაპეული ცოდვა შენი!

რა ქნას ჯვებემ? ვერ გაეჭყევა იგი ბეკოს. ახლა თითონ შეიმწყვდია თავი მან ქოხში.

— ბეკო, წისკვილშია? მარცვალი დააკლდა! ჰკივის, ხომ გეყურება! გამიშვი, შე ვაქმევ!!

— წადი! მეც თან მოგყვები!

გამოდის ჯვებე ქოხიდან. კარს გამოუხურავს სტოვებს და თითონ გარბის, მაგრამ წისკვილისკენ არა! გარბის ტყისკენ, გარბის რაც ძალი და ღონე აქვს!!

— აჰა! ვერ წამიხვალ! შეჩერდი! სად გარბიხარ?— უკან მისდევს ბეკოს ხმა ჯვებებს! ჯვებებს ფეხები უსუსტდება. ტყის პირად პირქვე დაეცემა.

რად არ გასკდება მიწა და ჯვებებს არ დამალავს?

— ასე!! ხომ გითხარი, ვერ წამიხვალ შეტქი?

— ჰო, ვერა, ვერა!!

— ჰაშ, იარე, წამოდი ჩემთან!!

— მოვალ! მოვალ! მერე...

— არა, გიბრძანებ, ახლავე მომყევ!

კისერზე ბაწარ მობმული პირუტყვივით გვერდზე დაჭკიდა ჯვებემ თავი და გაჰყვა ბეკოს, რომელიც მისთვის ცხადი აყო მაშინ, სინამდვილე!

მიუახლოვდება ჯვებე წისკვილს თუ არა, ყურს მოჭკრავს ბეკოს ხმას:

— წმ. გიორგიმ ას-ერთი ეკლესიისამ თავზე დაატეხოს...

გამოერკვევა ჯვებე. სწრაფლად მობრუნდება უკან, მაგრამ ბეკო მოჭკრავს თვალს.

— ჯვებე! ჯვებე! საცოდავო ჯვებე! მოდი ჩემთან! მაგრამ ჯვებე თავის ქოხისკენ გარბის...

— ჰმ! საცოდავი! აი რისხვა წმ. გიორგისა. მალე, მალე დამანახვე, მეუფეო. ჩემი მტერიც მაგ ყოფაში!—ამბობს ბეკო და წყევას განაგრძობს.

ჯვებე კი გახელებულ ძალივით, რომელსაც მოსაკლავად მოსდევს სოფელი, თავის ეზოში შევარდება.

პირველი აზრი, რომელიც ელვასებ გაუქროლებს თავში—ეს ცეცხლია, და წინ ელობება ჯვებებს ცეცხლი.—ცეცხლის ალი, ცამდის ასული, საშინელი და ძლიერი!

— ცეცხლი! ცეცხლი!—შეჰკივლა ჯვებემ და ფეხი შედგა კარ გაღებულს ქოხში.

ლეო ქიაჩელი.

(შემდეგი იქნება)



ჭ ი ო კ ო ნ ღ ა

ჯიოკონდას მოდელად ლეონარდო დელ-ვინჩის ჰყავდა მონა ლიზა გერადინი, ფრანჩესკო-დელ-ჯიოკონდოს მესამე მეუღლე, აქედან მიიღო ამ სურათმა „ჯიოკონდას“ სახელწოდება.

საფრანგეთმა ეს სურათი ფრანცისკ პირველის ხელით შეიძინა, 4 ათას ოქროდ. პირველად ი ი ეკიდა ფონტენბლას ოქროს კაბინეტში, შემდეგ ლიუდოვიკ XIV მიერ გადატანილი იქნა ვერსალში, (პარიზის მახლობლად) ხოლო რევოლუციის შემდეგ—ლუვრის მუზეუმში (პარიზში).

ჯიოკონდას ღიმელას შესახებ მრავალი თხზულებანი დაიწერა. მგოსანნი ჩანებს მისთვის აქედანდენ, მოაზრენი მის ჯადოსნურ მეტყველების კვლევაში ჰღვდნენ დღეს... მაგრამ ჯიოკონდა, ეს ხელოვნების უკანასკნელი ქმნილება სფინქსი სფინქსადვე დარჩა. არავინ უწყის, რა რბატება მის ღიმილში: დაცინვა თავის მოხუცებულ მეუღლისადმი, თუ თანაგრძობა დიდებულ მხატვარისადმი.

სწორედ ამიტომ, რომ ამ დიდებულ ხელოვნების ნაშთის დაკარგვამ ერთბაშად აალაპარაკა მსოფლიოს გული.

კაცობრიობამ შეიძლება ვეღარ დაიბრუნოს ხელოვნებისა და სილამაზის უკანასკნელი ნახატი, რომელიც ჩარჩობიდან მაცურებელის თვალში რაღაცა მანქანებით ამოსცურდებოდა ხოლმე და თავისთან ერთად სიკვლავისა და სინაზის ჯადოსნურ ქვეყანაში ჰკარგავდა.

არსენ გუხეს აზრი—„შეყვარებულის სულს აცისკროვნებს ჯიოკონდას ერთი შეხედვით“ მართალი არის. არა ერთი და ორი მაგალითი ყოფილა, რომ ლუვრის მუზეუმში მისულა მისი მშვენივით მოზიბულთა სატრფიალო წერილები—„ჯიოკონდა, მიყვარხარო“!

თეოფილე გოტიე ჯიოკონდაში ჰხედავდა საოცარს არსებას, მაკდურს, რაღაც ზეარს ღმერთების მზგავსს, რომელთაც ყოველისფერი უწყიან. ჯიოკონდა არსებობს და სცხოვრობს, ვითარცა უღმდებულესი მომენტი კაცობრიობის თავისუფლების ისტორიაში, ვითარცა სიმი, რომელიც იღუმალეებას ხმით ჰქდვრს ყოველ ჩვენგანის გულში, ვითარცა ძვირფასი მოხაზულობა დიდებულებთან ადამიანის სულისკვეთებისა. ჯიოკონდას დაკარგვა ეს თვით ქვეყნიერების ხელოვნების დაობლებაა და თუ იგი აღარ დაუბრუნდება ოდესმე მაინც თავის ძველს ადგილს, სანუგეშოდ ისღა შეთნია კაცობრიობას საზოგადოდ და საფრანგეთს კერძოდ, რომ მის ადგილას დაცალიერებულს კედელზე მშრალი სიტყვები წააწერონ:

„ოდესმე აქ ჰსუფევდა „ჯიოკონდა“, საოცნებო სილამაზის განსახება და ნულარა გგონიათ, რომ ოცნებით მაინც დაიბრუნეთ მის ხსოვნის ჩრდილი“!

დ. კ—ძე.

